


土岐文庫  
文庫17  
W61  
3





20-3  
文庫 17  
W61  
3



蜀詩卷第七

明

新繁費經虞仲若輯

岷陽孫澍子舉校訂

來知德

知德梁山人嘉靖舉人字矣鮮人品高潔蚤棄  
帖括專治經史年五十二往萬縣求溪註易七  
十三而書成萬歷中四川都御史王象乾貴州  
巡撫郭子章交章論薦詔為翰林院待詔辭不  
就月廩米三石復其身齒八十終學者稱瞿唐  
先生集若干卷今錄詩五十三首

古詩四首 選一

大正十年十月

010185186186

昭和六年二月一日贈  
土岐善唐氏寄



鬱二山上松虬枝覆百草根盤萬里遙凡木俱卑眇宗  
 工取良材車馬長安道笑彼蕪榮華發光何太早朝還  
 滋栽培暮卽色枯槁我曾覽崑崙烟客多縹緲層城爲  
 園圍元海作池沼種彼十圍禾食之百年飽花非千年  
 開結實則固小寄語山中人百事須難老大才由晚成  
 驟得非良寶

澗曰名言可佩亦足見瞿唐自待之厚

張北村卜居岑公洞用蘇子瞻移居白鶴峰韻  
 奉贈

何人持斧斤鑿此江皋麗紫電排虛牖流月山泉細岑  
 公煉丹砂鶴駕曾此逝我今千載后誅茅聊一憩慵鼓

王門瑟漫作任竽計都歷連巫陽宛若芙蓉砌澄江斗  
 熨平蔥蒨映螺髻俛仰天地閒萬物真委蛻頃來稅塵  
 鞅初服宜薜荔緬想蘇子瞻劫灰觀此世結構白鶴峰  
 飄二托雲際金張高甲館于今等醯螋

同邢淺庵推府王葵軒岐岡二明府古民部遊  
 蟠龍洞得雨字三十韻

諸峰羅兒孫一峰插岫嶠古湫山之窩雙壁鑿斤斧沈  
 沈牛渚磯靈怪蟠水府中有沙羅奇瓊瑤佩碧乳齟齬  
 墜青錦蹲踞如放舞涵水相紛颺飢蛟吞渴虎九龍來  
 瀑布萬壑擊雷鼓地媪澆醴泉醉此梁州土諸山盡醜  
 醜不知有天宇乃知天子郭先后爭步武鄉人憂旱魃



小八  
餅罐時偷雨。豈知人心靈。應響如連弩。耳夢古老言。仙  
客煉藥釜。一朝帝有詔。拜下頭角膺。意者巢許輩。啾嚻  
開花塢。依山巢雲松。種藥傍水滸。槎牙萬疊峰。朝夕成  
賓主。一朝隨化迸。竭來同啄腐。爲人復爲龍。事亦近蒿  
邁。髣髴李八百。空筌入仙譜。刻鵠飾玉徒。好事成亥魯。  
偶來登此山。春花鬪蓮菡。二三遊宦客。暫解龜魚組。剡  
水淨煩襟。一洗塵囂腑。乘醉弄潺湲。出洞卽今古。安待  
駕飛車。減鞞入天姥。更有脩二興。走筆愧鸚鵡。幸爾坡  
仙在。却爲徐凝補。

峨眉山中漫興

黃鶴久不至。異人招不來。緬想千載師。鳳德不曾衰。斯

道日中天。長夜良可哀。流水赴大壑。一去不復迴。坐久  
抱孤想。三歎石崔嵬。

雲從脚下起。鋪作銀世界。泉從頭上落。結作珍珠帶。我  
時欲佩珠。步虛搖綵繅。九仙如槁葉。裊二隔霞拜。

我有半輪月

我有半輪月。摘之自峨眉。從我江南遊。長伴江之濱。今  
日歸來北窗臥。剪碎清光掛我帷。有時清光還入夢。八  
荒寥廓天如洞。瓊樓玉宇空崔嵬。滿地水晶塵。不動下  
土車馬聲。如雷巴西來矣。鮮手攀脚踏。應無路亦何自  
而來哉。豈是撥雲披霧天。重開九關虎豹吼。喝自虺虺  
須臾毛骨化于灰。恍然輕舉入三台。寤肯不覺來矣。鮮



只覺皎月半輪升山巘

澗曰是學李太白貌者

問岑公 寄李明府

峨眉玉壘東復東。翠屏截薛橫。青蔥上有江珍碎。月刺  
蒼穹。烟華霧萼輝瞳朧。下有合窳澗。瀆繞蛟宮。直與天  
潢渤澥。一氣通洞中。仙人名岑公。揖金拜木坐昏蒙。三  
十六鱗何者紅。有日騎飛訪渥澧。左驂滕六右驂虹。后  
驅列缺前豐隆。黃姑渚畔洗腸空。曾遣婉陵華。約我同  
歸山之中。今夕何夕鶴生齒。乘風載筆來問爾。初平一  
去白羊死。媧皇五色石化水。王母蟠桃凍不開。六鼇折  
足空飛髓。岑公岑公爾不歸。今將奈何紅塵赤日隔烟

蘿。黃牛水波惡。赤甲楓枿多。彈我青萍侑爾歌。爾不歸  
兮將爾何。青蓮道士風流客。派出桃源自高格。同咳唾  
于鏗金。速珠璣于裂帛。求句漏之丹砂。脫冠裳之束迫。  
不須再訪已往之羽仙。叫空山之帝魄。寰中我亦謫仙  
人。何時來子載詩一車。李子攜酒一石。鞭鸞撻鳳共登  
岑仙之舊宅。醉后却把驚人奇句問青天。長嘯一聲江  
月白。

前峰歌寄高前峰友曾任枝江枝人至今誦其  
清節年耄八十有六

玉壘山高入天。阿耨驅車不敢先。萬壑寒流飛琥珀。  
一峰硤碑山之前。峰前草堂大于斗。山人住此亦已久。



白雲無心任往來。有時逐雲到溪口。中年掛冠不受祿。  
秋水蒹葭對首。蒼湖邊清節重于山。桃李霏霏共湘竹。  
軒昂磊落何太奇。玉珥同看光陸離。而今一笑成陳迹。  
誰信青山有紫芝。紫芝亦神物。不似人間菽與粟。  
山人餌之今幾年。頓令紅顏如綠玉。十洲我亦長生仙。  
謫入人間四十年。常向峰頭弄烟水。前身皎月青天懸。  
清溪莊

秋風詞

多半楓林人家少。千峰萬峰青窈窕。一羣嬌鳥啄雲嶠。  
仰面石泉懸樹杪。落花朝暮送柴扉。掃斷依然撲客衣。  
華陽道士胡不歸。菖蒲節老蕨芽肥。

父存日疾痺經秋風多呻吟感之而哀賦此

秋風號兮如裂布。我父風痺艱行步。而何一往長不寤。  
天寒日短時將暮。欲往從之天無路。黃雲慘沒烏啼樹。  
肝腸摧斷誰瞻顧。

誰人

誰人太碑岬。築室傍嵯坳。地繞龍蛇窟。牆依翡翠巢。野  
雲流石髓。疎雨淨仙茅。一片泉如雪。當年擬虎跑。

寄朱誠齋

五月生陰雨。頽垣長薜蘿。鳴蛙長到徑。野水欲成河。泚  
柳門常閉。茂陵病校多。相思空悵望。無奈故人何。

過吳氏舊莊



策馬驅危磴。題詩問落霞。頽園團野竹。細雨濕殘花。山水疑前日。崔盧非舊家。誰言千載後。渤海變桑麻。

聞楊崑洲少參訃三首

宦海愁邊夢。生涯掌上卮。故人今若此。吾道復何之。秋雨留連日。關河滴淚時。寄情彈別鶴。哀調不成絲。江夏思楊震。平臺問范滂。百年歸皓首。萬事屬黃梁。風雨生芻蕘。乾坤宿草長。曹蜍知尚健。未死已亡羊。騶從飛黃蓋。精英入紫垣。向平婚未畢。元直母猶存。水落秋雲慘。烏啼野日昏。靈均門下客。誰與賦招魂。

鍼

么渺孤標直。鋒鏃鬪雪霜。磨礪知出處。布帛見文章。天

上君王袞堂前。慈母裳雙二。未補報一綫。感恩長。

太白山堂成四首

茅屋敞朱明。春風到杜蘅。松應稱竹友。石或是梅兄。陟巘憑空遠。臨流獨濯清。老夫機事淺。不厭野鷗盟。

月入囂二榻風清皦二窩原註山下二堂楊大理名其左者囂二榻右者爲皦二窩

文章班魯衛。禮樂范曾軻。兀坐忘人象。論文或客過。枯桐知手滑。隨意足高歌。

知是人間樂。仁爲世上閒。二非宮室好。樂是水山閒。欲下全牛手。須先見豹斑。蝸廬與斗舍。到處可尋顏。

松老蟠虬鐵。篁幽覆甕區。廣居無定宅。安樂卽康衢。與我二三子。乘風南北隅。條然修揖讓。白日見唐虞。



澗曰多自得之趣是學道人詩

野望

遠屋依岡阜。沿溪水竹清。前峰披霧出。社鼓隔村鳴。久矣成衰朽。無能老治平。自知還自愧。不是厭逢迎。

秋

日月成何事。江山信已秋。往來依塞馬。用舍見韓牛。地僻人應少。詩清宅更幽。水禽如有意。時過蓼花洲。

對酒

地幽春水淨。花發夕陽遲。白水盧仝宅。青山謝眺詩。羣鷗歸碧樹。獨鶴下荒池。無限江湖事。畱連到幾時。屏跡詩成癖。尋虛學近禪。曲溪蟠瘦石。白屋敞朱絃。宣

甫思浮海韓琦欲捧天。二高兼海濶何地可投竿。

秋風

爲懶茶經熟。因閒瑟譜工。時清容蹇拙。道在任窮通。殘葉迎霜赤。寒花映日紅。人生花葉共。風至自西東。

寄雷劍東蒙自明府

憶爾同金錫。憐予飽桂芝。年華芳草識。心事野雲知。席上談雷劍。花邊接董帷。牂牁何日到。好去慰相思。

寄贈董麟山徵君

久知傳鳳藻。無計到麟山。日月淹溟海。鶯花隔劍關。君應能出世。我亦似偷閒。安得生雙翼。萍蹤結往還。有子承家學。之官得令名。丹心盟白水。清議重蒼生。五



馬迎春出雙旌拂曙行文翁傳治蜀比屋接絃聲

溪上春興八首

獨此溪邊寂兼之野興長山川疑島嶼人世近羲皇有  
客來花塢移尊傍石牀朱絃寥落久三嘆對宮商

一髮青山遠孤亭黃鳥鳴烟霞春睡足風雨夜燈清窗  
外梅初落籬邊菊又生祇緣樗散便不是爲逃名

草綠黃芽浦春歸白露灣四休堪住世三徑可怡顏王  
烈終思不圖南只愛山清風還繾綣來往打柴關

衡門多闕寂溪木更蝸蟻世故憑黃髮生涯傍白鷗千  
秋何事大一飯爲誰愁笑我無拘管扶筇看水流

孤徑幽通谷三山翠作堆鳥非緣客喫花似爲人開田

父將書至門生載酒來更妨車馬到蹋破一灣苔

春事如麻春山青郭斜雲屯千樹鳥鼓吹一池蛙書

憶陶宏景經傳蔡少霞何時通脫屣相與話河車

看竹雲生屐聽泉柳嘯鶯溪山行脚健風月擔頭輕藤

鼠知年齒醯雞識利名人生鷗鳥共達者可忘情

捲幔當清曉看花媚夕卮菱荷初有服春水正宜詩啼

鳥通人意懸蟲似釣絲原來彭蠡笛不向世人吹

杪秋有懷郭夢菊大府輒賦五言十二首奉贈

卽酬佳什感時陳抱并見乎辭

選四首

白日攜琴鶴青霄刷羽毛龔牛來海甸韓鱣去洪濤夔  
地三分土耕夫一半刀峽中藤蓋屋往歲幾家逃



落木鴻初到。寒帷菊正明。秉衡時有待。典郡歲仍更。地  
闢劉封井。江深白帝城。文翁傳化俗。不讓漢京名。  
每讀夔門稿。燈花報夜分。已看奎壁燦。轉覺蕙蘭芬。象  
馬蟠江月。樓船接海雲。偶然生異興。典册著高文。  
午夢殘金馬。秋思入玉琴。楓枌千樹曉。鷗鷺一溪深。魏  
闕瞻如昨。蘇門嘯自今。鶯花知我意。扶杖到青岑。

村居

野服黃冠對竹根。雞聲雀語送朝昏。有田只種陶潛秫。  
無事常關泄柳門。白石鳥來畱篆迹。青溪雨過帶潮痕。  
蒲團坐到忘言處。又被鷓鴣叩釣船。

有客

窈窕青山歲已更。忘機處二有鷗盟。一溪春水源頭活。  
半榻桃花戶牖明。共喜陳蕃能下士。豈知李密欲陳情。  
焦桐幾度希聲處。雲自無心鳥自鳴。

寄莊岐岡郡丞

蟠龍山下牽裾別。灑灑堆前使者還。自后渺然無一字。  
于今宛若隔三年。天寒松子催鸚鵡。春盡榆條怨杜鵑。  
惟有甘棠亭上月。風清夜二向人圓。

答贈汪大池

自把珊瑚閱歲華。詩來多半帶烟霞。陳情李密應思國。  
捐宅希文不爲家。笑我長年歌澳竹。懷君幾度賦蒹葭。  
吟成獨立空相憶。撲筆挑燈拂劍花。



衡門

裊二嵐光作翠堆。青二松葉覆蒼苔。鳥從白石橋邊度。  
花趁黃梅雨後開。麗句暫吟多鶴舞。衡門欲閉故人來。  
夢中疑在礮溪上。修竹千竿一釣臺。

弔全思亭

已矣于今憶昔朝。揮毫搔首自飄蕭。春風遠跡燕關雪。  
夜雨同聽易水潮。三伏漸生原上草。百年回首夢中蕉。  
踟躕欲作哀時賦。落日層城起野燒。

送李獅子岡

何年與爾同題雪。此夕挑燈更對牀。白髮無言知歲月。  
青蚨有職管炎涼。水邊樓閣搖滄浦。天外帆檣跨呂梁。

行矣風波須自慎。北雲南樹總蒼茫。

夢醒

石林脩竹淨蘭皋。霧嶂霜砒隱雪濤。松閣雲深苔色靜。  
藤窗夢醒月華高。李唐豈為思尊去。蘇晉何曾假酒逃。  
豈識疎慵心迹遠。苦吟人說學巢驪。

晚坐

石上松閒亦可憐。匡牀竹几坐雷連。殘霞挾電明還滅。  
馴雀將雛去復旋。感事偶歌秦吉了。因風長問漢延年。  
青山自笑機心少。赤脚科頭晚看泉。

贈黎學博

洞庭渺二七百里。衡岳層二萬仞山。如此山川堪作畫。



豈無豪傑生其間。鄭虔才大官猶冷。莊舄吟多鬢未斑。  
欲訪華容耆舊事。蟠龍雨暝白鷗灣。

贈別莊少岐

良會能有幾行裝。遽在茲青山忙裏過。白日醉中馳召  
伯修行后。胡威跪問時。河陽花豈約。彭澤柳如知。寶劍  
雙龍舞。長風一鶚隨。躋攀從鳥度。徙倚看雲移。水溢劉  
郎浦。雲藏白帝祠。三都雄勝濶。七澤暮烟瀾。郭璞岷江  
賦。青蓮蜀道詞。問奇停棹久。懷古放船遲。海宇多萍梗。  
河梁此別離。嵩山不可見。明月問前期。

寄曾元川

有美蘭堂契。雄才藝苑知。東山畱謝傅。北斗仰韓琦。附

驥慚先達。登龍已後時。烟霞鷗夢早。湖海雁書遲。身世  
虛舟過。韶光野馬隨。十年嗟一別。長劍起孤思。先氏厓  
何在。劉仙洞可追。丹砂期熟鼎。玄鬢漸成絲。駐景應無  
藥。流杯喜有池。吟餘迷處所。荻畔叫鷓鴣。

菊

歲晚華初發。秋英落更遲。回看潘岳圃。寒蟻上枯枝。

朱陽仲

陽仲呂字行。遂寧諸生集若干卷。今錄詩三首。

楊花篇

江南二三月。桃李競芳辰。垂楊長條怨。攀折飛絮飛。花  
滿路塵。有昔起舞西復東。白雲晴雪晝濛濛。輕狂飄蕩



小十  
總無定散入千家池館中池館重二寒食後紫燕好音  
黃鸝耦白玉筵中拂畫衣琉璃杯裏露春酒落日千家  
春酒闌玉人小立石闌干高處因風常不定低邊弄日  
轉增寒秦女樓中妝鏡寂王孫道上長相憶詎將春色  
報金閨還引游絲度南陌南陌金閨萬里情惜此飄揚  
花性輕焉知落地爲香土焉知入水作浮萍香土浮萍  
那堪辨虛令紅顏二色換今年已見柳枝殘明年復見  
楊花爛蜀水吳山春復春花開陌上足傷神楊花酌汝  
一盃酒莫向天涯逐恨人

出塞曲

雪霽洮河月滿營高城羌笛弄邊聲春風不到單于塞

何事梅花夜生

長干曲

美人家住漢水濱夫婿從軍久向秦江口寄書無駟使  
西來都是洛陽人

王詠

詠嘉定州人嘉靖進士官至江西參議詩一首  
西坡寺

爲愛西坡寺閒行損綠苔青山當牖合白水抱門來僧  
寂談經座官閒濟世才浮雲如客懶盡日傍高臺

劉世曾

世曾字鳳坪巴縣人嘉靖進士官至雲南巡撫



晉副都御史詩一首

祀竈一首

南雲如火瘴如烟九載孤忠祇自憐今夜勞君陳上帝  
于民敢受一文錢

澗曰當方面重寄如此存心真得詩人忠厚之旨矣  
詩雖淺近要自可傳

蹇 達

達字子上巴縣人嘉靖進士官至工部尙書出  
督薊遼著有鳳山草堂集若干卷今錄詩二首  
冬日登毘廬閣

塞雁南飛迴高樓北望寒暮雲千嶂掃積雪萬家殘四

海徵輪盡三巴道路難天涯對搖落那得旅愁寬

澗曰此律有意做杜

登州蓬萊閣觀日出

長風吹斷海門霞三月登州始見花一片火雲飛不定  
魚龍排仗候仙車

蹇 宗伊

宗伊字海嶠重慶人達子幼學于江左工詩嗜  
酒家散萬金著有海嶠集若干卷亂後散逸失  
傳今從友人處錄詩一首

五十自壽

五十浮生閱歲華不是山涯卽水涯衰容欲邁不辭酒



疎鬢增妍常帶花。簾有詩書真富貴。園多松竹勝桑麻。昔人漫笑蹉跎甚。我只如僧未出家。

徐 尚

尚涪州人嘉靖進士官至副使詩一首

岳陽與夏別駕

憶昔彈冠日。重逢竟十年。秋高雲夢渚。月冷洞庭船。別駕今三楚。狂名共兩川。南飛鴻雁侶。悽惻水雲邊。

夏可漁

可漁蜀人邑里未詳詩一首

岳陽樓

洞庭三楚望。老病遠登樓。兩葉乾坤合。雙凡日月浮。山

川雲外盡家國。雨中秋愁極。浦湘靈瑟如。聞古渡頭

張 鵬

鵬洪雅人嘉靖進士官至御史詩二首

克敵橋漫興

克敵橋邊路。江風白浪旋。烽塵猶滯雨。塞草自抽烟。落日啼山鬼。西風哭杜鵑。關門舒望眼。劍氣滿晴川。

沙泥道中

輜車侵曉發。使節下蘭皋。洮隴青山盡。崑崙赤霧高。軍容清。鼓角寒。日暗旌旄壯。志思酬國人前感二毛。

蜀明詩卷第七

大、可州、

蜀詩卷七

七

古棠書屋



蜀詩卷第八

明

新繁費經虞仲若輯

岷陽孫澍子皋校訂

莊誠

誠成都人隆慶舉人官至潮州府同知詩一首

徐州杏花村

清明昔日吹簫處寒食春風共路歧勝地行沽還柳巷  
孤村春水又花時年二月過春雨日二斜陽照酒旗  
老去鬢絲易憔悴尊前魂斷與黃鸝

莊祖誥

祖誥成都人萬歷進士初任永新後調廬陵廉



介不苟頌聲載道一日有布衣老人一童子執  
 荆隨之傳柝而入祖誥迎上坐拜伏甚恭老人  
 曰吾商舶便過此尊公囑我來廉女政事有不  
 善則予杖此荆乃尊公所授者今能如此可矣  
 女其益砥礪後操否則尊公知之反以我為誑  
 也言畢拂衣去祖誥步行送至舟次老人蓋其  
 舅云集若干卷今錄詩七首

丙申除夕

年華生事兩蹉跎。熏栗歛馳五臘過。絕成有疆非滴博。  
 芳池無夢是摩訶。丹雘社裏青雲少。紫葢山中白髮多。  
 獨厭江湖畱滯苦。鳥二相對不成歌。

聽殘邏舍短長更。每及焚車百感并。過眼總非投老計。  
 按圖空有向山情。待完婚嫁知何日。已分荒倉竟此生。  
 莫漫成都尋卜肆。升沈瑣二問君平。

丁酉元日

挨排婪尾薦膠牙。漫道他鄉不是家。北固似開岷嶺雪。  
 南州如泛錦官霞。聲華且置梁江總。遷播都忘晉永嘉。  
 暫與比隣投漫刺。便拖藤杖看梅花。

唐求詩句更書瓢。賈島篇章已醜椒。餞臘雪筩開昨夜。  
 發春雲葉試今朝。狙猿頰首歡三始。絃管傷心怨六么。  
 咫尺蕪城愁作賦。隋家隄柳任天嬌。

錦帆唱和



邦水猶潺舊苑河。瓊花楊柳寄愁多。楚天漫下新亭泪。  
吳市難銷白紵歌。來日似駒皆去日。後波如沸豈前波。  
卽看魚飯湖陰別。五度春風始一過。

虎坐遊賞

綻盡征衫已忘家。天涯杯酒尙堪賒。龍精虎氣皆陳跡。  
蒲節桐孫又物華。檻外衣香紛旖旎。林閒茗座自橫斜。  
談深不覺催歸晚。醉蹋平頭穩似車。

贈金陵王元倬

陳魚供笋憶當年。瞥爾西風起墓田。北闕未乾銅狄泪。  
南陔仍詠黍華篇。夷吾無復推江左。摩詰猶堪住輞川。  
矯首石頭人宛在。遐思長結鷺洲前。

澍曰祖誥詩聲調不盡穩叶然氣味悱惻纏綿溢于  
筆墨之表是真孝子循吏也

龔懋賢

懋賢字晉甫內江人隆慶二年進士初官御史  
嘗京師大旱詔求直言乃上五少三多疏言今  
天下任事之臣少朝廷心膂之臣少兵少財少  
公論少刑獄多冗費多議論多洞悉時敝其才  
實可用疏入漠然而已後官河南按察使同人  
多惡其直遂歸不出著有學業通今本參同契  
注疏明發堂詩集若干卷今錄詩一首

過華山有懷王華巒



小十三  
憶昔分歧曲水邊君留京兆我西川相思百二重關外  
獨對三峯太華前泯二鶯花非故國紛二烟雨是新年  
遙知結社江門外頭白重爲四牡憐

陳于陛

于陛字元忠南充人以勤子隆慶二年進士官  
至禮部尙書東閣大學士學士性惻款遇大事  
議論切至少從任瀚學見世儒多惑作道術辨  
萬歷二年册立皇太子啟沃之力居多有明三  
百年父子相繼入閣者自元忠始也卒贈少保  
諡文憲集若干卷今錄詩五首

宣廟畫馬

寶繪傳神駿權奇尺幅收蹄攢雙碧玉文散五花虬赤  
汗當霑臆黃金爲絡頭天閑今萬匹何必按圖求

澍曰典切

華山紀遊四首

名山飄渺闕靈蹤路入金霄瑞氣封箭括通天青一徑  
蓮花拔地翠千重日華東映標仙掌山勢西來帶雪峰  
欲馭長風理瑤策更攜三秀跨茅龍

咫尺青天帝座攀空中臺殿帶烟巒秦城北斗寒烟外  
漢關南山夕照閒雲棧千盤浮若薺渾河九曲帶如環  
丹砂青鳥西王母力乞風塵擬駐顏

兩度仙坪回俗駕今凌絕巘興難忘遠攜芒履青藜杖



兼裹黃精白石糧。掌上芙蓉囊。五露池頭沆瀣挹。三漿  
雲開坐嘯中峰頂。一髮華陽瞰大荒。  
五岳尋真興未酬。三峯勝槩竭來收。張超谷口烟初斂。  
武帝祠前雲欲流。苔蝕丹梯瑤草暮。花飛玉井石蓮秋。  
聳身直過明星畔。手勒丹崖紀盛遊。

李長春

長春字棠軒富順人隆慶進士官至禮部尚書  
父子祖孫皆以文章官宗伯世論榮之集若干  
卷今錄詩四首

望岳

灑氣倚高秋。冥二霧雨浮。馬頭烟欲暗。天外翠長流。何

處仙人掌。遙窺玉女頭。茅龍還訂約。杖策擬仙遊。  
立馬雲開興不孤。三峯蒼翠遠還無。白憐病渴思盤露。  
一吸能分沆瀣無。

宿中巖寺四首 選二

禪房臥榻昔年曾。彈指流光幻莫憑。別去我持居士偈。  
重來人訝宰官身。門臨埤堦喧宵柝。樹徹星河雜佛燈。  
夜半石牀風雨過。層巖寒色起蒼藤。  
何年紺殿起高臺。地自吾家御史開。法界總憑龍象護。  
梵音如接海潮迴。香雲繚繞丹梯外。花雨繽紛碧澗隈。  
莫謂莊嚴成盛果。他生還祝布金來。

唐可封



可封富順人隆慶進士官至南京戶部郎中詩一首

後湖同官讌集

各洲開冊府勝覽集仙才倚櫂廻春甸尋芳過古臺烟霞湖外合鷗鷺鏡中來夕照同回首漁歌正溯洄

張一鮑

一鮑字鵬化定遠人隆慶進士官至巡撫詩一首

登北固

曉日金焦畫角清長江東去海門平兩峯插水中天立一面依城絕壁生樓閣勝當吳楚會烟霞深見古今情

斜陽立馬啼烏晚巖下漁歌笛又橫

唐香山

香山綿竹人官至西鄉令詩一首

猛虎

自注隆慶辛未大吏過境作

一入漢南多猛虎西鄉猛虎害還深黃昏黑夜能驚犬白日青天不避人夕照孤村聲合杳曉風荒驛跡縱橫郊原婦哭今三世入告頻聞政太平

熊敦樸

敦樸字茂初過子隆慶進士歷官至貴州布政使司左參議著有玉堂漫稿若干卷今存詩二首



得趙汝師翰林書

章臺猶旅食。珍重故人書。自是飄零久。非關記憶疎。野  
花紅被壘。官柳綠依渠。浩蕩乾坤意。吾生總不如。

君山畱別

湖上湘靈暮。雨秋君山遠。共水雲浮蒼茫。一曲驪歌晚。  
無數青山上酒樓。

蘇雨

雨別字訥庵。巴縣人。萬歷進士官至僉事。詩一

首

題畫

曉起高樓生峭涼。巴渝雲樹遠蒼蒼。閒來獨對青山坐。

萬斛隴糜潑草堂

楊宗吾

宗吾新都人文忠曾孫。官至錦衣衛指揮。詩一  
首

華岳樓

三輔望中收。西風白帝旒。河聲騰巨野。岳色護高樓。我  
亦烟霞侶。將為浩蕩遊。雲閒高臥者。蹤跡至今畱。

陳惟直

惟直洪雅人。萬歷進士官至湖廣布政使。司著  
有唐詩類編。刀圭錄等書。存笥稿若干卷。今錄  
詩一首



劍閣

使節何時暇。單車度萬山。危途還叱馭。高處一開顏。風雨降王路。關山上將壇。清岑今尚德。險不恃崗巒。

陳惟舉

惟舉洪雅人。惟直弟。官職未詳。詩二首。

雷洞坪

鳥道盤山脊。虬松護石坪。雲從巖下度。雷出洞中鳴。山澤原通氣。陰陽自有聲。神峯蘊靈異。大語駭天驚。

天仙橋

一澗從天落。千峯轉石遙。蒼龍乘翠巘。靈鵲度青霄。采藥仙應遇。臨風鶴可招。幔亭曾侍讌。慣躡彩虹橋。

董延

廷。瀘州人。萬歷進士。詩一首。

四峯山

獨步峻嶮頂。飄然欲到天。峨眉開遠岸。馬耳接飛烟。翠壁三千仞。丹崖一萬年。孤城凡可塞。二水帶交纏。鶴喜栖蒼樹。猿愁度碧巔。掀髯紅日拂。抵掌白雲連。去住山無意。遊歌客有緣。清秋明月好。彷彿面嬋娟。

李卒齡

卒齡字仁卿。華陽人。萬歷進士官至山西副憲。

詩一首

平陽城西樓



華霍高城外平陽輦路存山川燕北里城闕晉東門尙  
想懷陵操重觀擊壤村漫嗟今古異譙鼓閱朝昏

郭維禎

維禎巫山人萬歷舉人詩一首

華山

崔嵬接帝閭太白具靈根地矗仙人掌天低玉女盆松  
風寒白晝蘿月易黃昏一覽關河小纔知華岳尊

陳郊

郊成都人萬歷舉人詩一首

遊華山

秦關幾度託行蹤初躡金天第一峯中條北拱星辰極

太白西連隴蜀封洞口白雲深幾許希夷先生睡不起  
桃花寂二鳥無言一榻松濤夜深語

范醇敬

醇敬嘉定人萬歷進士官至禮部侍郎嘗假回  
里總鎮劉挺謁之待之禮殊倨挺大怒一夜盡  
伐其近郊先壟松柏無一存者而去此可爲士  
大夫居家傲忽之戒集若干卷今錄詩一首

登峨眉

彩虹亘太虛白雲覆塵世星斗疑可摘巴渝歸睥睨漫  
言五岳高未睹茲山麗一髮頰窮荒浩歌滿天地

伍文煥



文煥字象明富順人萬歷進士官至太僕卿詩一首

湖亭春月

太液連龍闕春星印御河人間良夜永天上月光多  
傍渚花都笑平湖水不波清遊還秉燭車蓋莫經過

黃輝

輝字昭素南充人年十七領鄉薦第一博極羣書登焦竑榜進士當時館課沿襲格套人目爲翰林體輝入館刻意爲古文與陶望齡董其昌齊名天下改步從之皇長子出閣輝獨侍講三年反復規諭務盡啟沃品望甚重忌者嗾言官

劾之輝遂請終養後病卒熹宗御極贈禮部右侍郎著有怡春堂集若干卷詩未足成家然觀其言其人益貴古今正人君子不可多得故亟錄之凡三十八首

奉使韓藩畱別同館

薰風穆清徽朱華帶微雨龍節下西藩芝函出中宁乘輶奉使君賜宴舜鷓侶湛露流卿霄五月天煩暑誰云王事勞行矣方將父

將父向西秦杯醴舜王門駕言返親舍薜蘿亦婦人阜  
聖黍可釀緩山桃自春歧路蹙崆峒歸憶仍峨岷誰笑  
歷東井顧瞻依北辰



北辰何煌煌。二星駕感行久。嘉會及萑蒲。離心著楊柳。桂樹謠小山。喬林酌大斗。趨庭誠娛顏。戀闕亦回首。鄭重同人心。郊垆復杯酒。

杯酒謝供張。關河渺憑軾。子舍行尙遙。王程少相識。晨驂引鳴雞。夕旆送歸翼。風塵日遊霧。冠蓋紛如織。感茲廚傳煩。三輔况艱食。

艱食日既甚。鴻雁哀嗷嗷。二東西歲坐甲輪。輓亦何勞沮。泖鞠爲草雲。漢屯其膏茗。華化短狐。稂莠沒嘉苗。陰陽轉迴錯。仰望空重霄。

重霄耿析津。下有軒轅臺。渤海白日出。照見黃河來。五原大若礪。九葉宗盟開。持節祇于役。視草慙非才。周廬

忽千鄉烟霏隔蓬萊

蓬萊擁天居。羣哲儼星爛。玉燭在調節。金蕊屬推勘。弱植謝西美。英遊接東觀。投歡方及辰。分手各流歎。何以報佳人。燁二錦繡段。

繡段亦非報。佳人紛在茲。惜我景風別。還與景風期。北山雖異味。南陔良遂私。離合鬱在念。倉卒難爲辭。願言各努力。無忘天保詩。

咏史

吾憐東方生。避世金馬門。滑稽時若詭。委蛇體自真。猥以龍變姿。而偶郭舍人。竊酒戲萬乘。折簡調平津。繆巧固無端。諷諫難悉聞。壯哉割肉手。何有瑤池春。濯足紫



海遙長嘯流清塵。歲星去。幾時青蠅遽來。臻太息。巫蠱  
冤何用千秋伸。

發白沙驛登鬼愁嶺望夷陵懷袁密修諸子

清霜糝晨飯。戶限卽林麓。山夫擁篲子。踴躍輕跳鹿。丹  
碧委厓澗。空青引簳竹。路執本直下。迫窘翻成曲。有梯  
石研膝。無梯石啣足。虛疑猿接臂。倒比蝠仰屋。輿人作  
大繖。懸我出峻谷。俯睨一縷烟。昨夜曾托宿。不以朝嵐  
重。猶可西陵目。美人隔河漢。何時接芳馥。靜穆良可歎。  
能無念子獨。

送劉學式給諫赴漳州

一尊綠酒醖春處。東風吹晚客。將去不愁客。路不逢春。  
何日重來共春住。去住相看酒一杯。春遊從此向漳臺。  
燕山酒人風雨散。明年春色爲誰來。

包汝鈍生子歌以贈之卽送成滇

逐客生男喜不支。天恩初謫夜郎時。乳以丹砂菡萏露。  
洗出白玉麒麟姿。阿母撫兒暗自語。若翁墮地應如斯。  
彰義門外天涯路。琴書蕭二抱兒去。但令學語識之無。  
便教讀取批鱗疏。他時雛鳳鳴朝陽。此日炎州去不妨。  
猗臺用米仲昭韻

出郭逢人少。投林駐馬偏。楊花騰野雪。竹葉擁溪泉。往  
事柴門月。餘春麥隴烟。故山差髣髴。昨夜夢啼鶉。  
梁山道中



但有山坳處高溪輒放雷溜穿龍領出岸轉兔脣回橋  
折全支柳巖枯半化苔白雲遙在目忽已傍人來

巫山道中

白雪開天宇紅林照石門仰泉方接鹿倒樹忽隨猿雲  
去峯爭攬溪來峽盡吞杖藜穿谷口別有一乾坤

初至銅梁呈岨峽先生

稍喜冬亭近能酬載酒心路隨陽月盡山與歲寒深石  
鏡和江照香爐結霧陰一從龍臥穩是處狎幽尋

白沙驛

山驛冷荒二昏烟帶葉黃牕空蛛網月垣缺虎啼霜攜  
手同人盡迴身獨夜長佳期惟有夢二去轉蒼茫

紹齋肖齋伯和三宗侯月夜招集園亭用伯和韻

南國穿鴉樹西園集鶴羣臺流將滿月峰隱早寒雲楚  
畹幽香接吳歌靜漏分不知綦履跡來往亂星文

萬壑

萬壑春香裏朝雲作雨回野樵隨獵去健馬逐人來巨  
石摩天碧幽花抱岫開斜陽何處笛高處一低徊

滴水巖

晨雨洗秋碧千峯連古苔雲開天馬下水噴石龍迴樵  
唱不知處澗花相喚開茫茫塵劫事驗取石林灰

永福庵待舍弟不至



已謝青門路。惟餘白社緣。澗聲秋樹雨。山色暮樓烟。劍閣啼烏外。蘆溝落雁前。池塘空復夢。何日對牀眠。

棲樂山

一上飛仙石。飄然思古情。仙人不可見。秋月滿林生。高池澹無影。獨酌依空明。却望來時路。微茫烟際橫。

賦得燕子樓

窈窕空臺榭。哀歌調不成。繁華歸劍舄。清夢若平生。桃葉殘春渡。菱花賸月明。淮流深復淺。長見倚樓情。

夏夜對月

月華五月如秋清。身在芙蓉露裏行。白兔舐毫連地濕。仙人濯足透河明。應同背日菱花發。不計何年桂樹生。

長。偶然效。喜天邊無此阮孫聲。

寒溪洞

洞門入天。繞梯五色石。子照寒溪。山果爭紅暖。雲碎野花亂。開香雨迷繡。猴兒客女郎。拜鸚鵡。攜雛兒子啼。製芰紉蘭者。誰子爲余歌。若有人兮。

鉢孟峯二祖庵

澗響藤枝百折秋。萬峯蒼翠鉢孟收。環轅鳥跡空中下。河洛龍光天外流。石怒亂隨獅子擲。塢靈高許雁王投。眼看浩劫長如此。誰道真僧有去留。

宿閩鄉時河南歲荒甚

周原秦塞兩蒼茫。徙倚桃林正夕陽。真氣西來千嶂紫。



六  
紫河東去六州黃何堪大澤哀鴻雁耐可重關踞虎狼  
虛博採風隨候吏龍泉賸有舊時裝

劉黃裳張助甫見過

楚山淮浦雁聲稀此地論文興不違湖水風光名輩盡  
江關詞賦昔人非酒翻樹影鷓鷯驚出調轉梁塵雪亂飛  
鄉里經過緣咫尺中原共爾一漁磯

送梅雨金還宣城

北風吹雪亂征塵野寺離觴不計巡歌筑動迷追賞地  
琴書偏泥倦遊身來時柳絮如今日去後梅花是故人  
及到敬亭相憶否東山女妓正迎春

次韻答江進之見贈

簿領如山蛻骨餘散曹真與列仙居新知總入逃禪酒  
往事都成解夢書身外功名空自縛年來蹤跡與人除  
長安雨後西山近疲馬慚隨四望車

登棲樂山有懷岨岫先生時視師海上

虹氣西行水郭斜杖藜隨意到仙家何來白鶴分天路  
况有蒼松拂日華出岫彩雲隨度曲向人雜樹半生花  
乘風欲問蓬萊客寥廓誰同漢使查

次韻答王立卿見贈

琴臺芳草爲誰生一笑歸來倦長卿雲散舊遊空酒市  
風吹殘夢乍春城閒消柿葉題應徧醉倚梅花影並橫  
底事雙魚勞尺素不來和月聽江聲



天生橋

溪水西來雪練明。峽雲東去石梁橫。祇疑虹影排空起，不放雷聲出地鳴。竹徑青浮征雁路，楓天紅壓斷猿聲。華顛何事言歸晚，茅店蕭蕭空舊情。

西陵別中郎小修

山陽殘淚濕征衣。此別深憐舊侶稀。與我周旋明日始，爲誰流浪十年歸。采蘭自有山中樂，抱甕原無世上機。已蜀音塵同梗泛，峽魚西上雀東飛。

沔縣武侯祠

丞相棠陰此地偏。幾人揮泪定軍前。千秋信史猶生氣，六尺寒碑自暝烟。棧閣經殘流馬路，干戈愁絕臥龍年。雜耕嘔血成遺事，重爲英雄一慨然。

澍曰聲調格律俱佳

陽臺

一夜猿聲巴峽東。萬山明月自春風。楚天何處無雲雨，獨有陽臺是夢中。

巴東

巴東石縫地無多。種得茶林當種禾。商舶不來山寂寞，今年空唱采茶歌。

題鑽天坡亭壁

山花野草鬪春妍。鳥道崎嶇倦欲眠。極力貪趨終下界，途人浪說是鑽天。



祝似華

似華字二甫內江人萬歷進士官至天長縣知

縣詩一首

崇節婦冢

黃鳥泣荒堊貞心死不休冰霜身世迴日月姓名畱宿  
草人間換芳魂地下愁空山風雨罷環佩在高樓

張紀

紀成都人萬歷朝官至浙江鹽運副使詩一首

曹娥廟

檣棹曹娥廟靈帷日夜秋紅顏千古盡白浪一江流風  
雨黍新恨波濤識舊愁渡頭遺毅魄精衛不能酬

瞿溥

溥字維西達州人萬歷進士官至衢州府知府

詩一首

爛柯山

山深苔蘚合卓午日初旭兀坐澹忘機楸枰隱寒綠  
聞伐木聲丁丁在巖谷

馬禎峨

禎峨字仁石新繁人萬歷舉人官至南京郎中

著有吉人集若干卷今錄詩一首

仙巖紀遊次陸敬齋大參韻

積想仙巖勝雲峯入混茫觀風聊暇豫取道共翱翔馬



首烟霞幻雲閒應接忙。崗巒殊窈窕松竹迴蒼涼幽室  
無僧住虛龕有佛藏荒苔緣徑綠古木蔽簷黃柯爛碁  
猶在丹存客罷嘗階前開鳥道天外遶羊腸雞犬通雲  
路鼉鼉駕石梁花飛千澗雪溜滴四時霜巨壑浮陰雨  
連山倒夕陽歸途招白鶴亂石叱青羊葛令丹砂渺君  
平卜肆亡赤松遺訣在畱待菱荷裳

周大愚

大愚仁壽人官至雲南州知州詩一首

大風渡河題句投河伯

白浪如山下孟津老夫心跡白河神五年若有苞苴入  
不共全家作幸人經虞按大愚嘗被論挈家渡河波濤大作或止之大愚題詩投水即飭解

纜風頓息波達岸舟人白口競呼清官不置云

顧造

造字衷濬成都人萬歷進士官至太僕寺卿詩一首

一首

李念劬司徒招飲水亭

長夏閒居憚作勞司徒載酒陟東皋山當雨霽岡巒秀  
城薄江州堞壘高咫尺囂塵清自遠徘徊風景興猶豪  
夕陽鐘鼓迎新月燈火微茫狎怒濤

胡汝相

汝相安居人詩二首

希夷洞



小三十一、  
白雲昔日憶圖南。雲去山空人自眠。今日白雲無恙在。  
我來高枕華山前。

青柯坪講堂

講堂初起集鴻儒。渺矣賢哉二大夫。谷口清風山際月。  
分明引我出迷途。

王詢

詢萬歷進士邑里未詳或曰梓潼人詩一首

仙巖中秋

谷口西風灑客襟。白雲迢遞鎖青林。一枝鐵笛朝陽閣。  
明月秋風萬古心。

倪斯蕙

斯蕙字爾淡號禺同巴縣人萬歷進士官至南

京戶部侍郎集若干卷今錄詩四首

訪來徵君子求溪卽贈四首

天意存吾道。斯文幸不孤。三川推大雅。曠世得真儒。與  
挾河圖數。爰探象罔珠。聖朝容大隱。求水著潛夫。  
蒲輪騰漢詔。束帛賁園帝。以先生重。家傳易學尊。蓬  
荒仲蔚宅。龍御李膺門。柱史來河上。虛聞道德言。  
抗疏辭簪紱。躬耕老布蔬。主恩如日月。我法自樵漁。李  
泌惟知道。虞卿晚著書。名山傳不朽。異代較何如。  
春水全依舍。閒雲半覆庵。斯人真蠖屈。于卦得龍潛。白  
雪門前滿。青雲世上慚。一編堪送老。不必借桓譚。

大ミコ二十九

蜀詩卷八

十九

古棠書屋



章 評

評字斗陽遂寧人萬歷舉人官至秦府長史詩一首

梅花

鐘鼓高城噪夕鴉寒林疎影自橫斜江樓莫漫吹羌笛  
一樹冰心待月華

王三錫

三錫內江人官至福建轉運使詩二首

秋日遊般若寺

招堤開絕頂石磴苦躋攀水浸一池月烟分四刹山林  
陰行處好鳥語聽來閒更有雲深處巖阿僧閉關

驪山

驪山高處頰秦川百二雄關入野田草暗露臺周燧滅  
雲連粉社漢風傳坐來太華峰頭月望去黃河塞外烟  
尚有祖龍遺墓在牛羊樵牧自年二

蜀明詩卷第八



蜀詩卷第九

明

新繁費經虞仲若輯 岷陽孫澍子皋校訂

朱之臣

之臣字無易亦字菊水成都人萬歷進士性方  
 嚴三十始為諸生累官至江西布政使司呂飛  
 語逮繫刑曹禍且不測一夜思陵夢兩僧在獄  
 中笑語曉遣小黃門陰察之則之臣與某官對  
 奕談笑自若也因得釋鼎革後寓居金陵絕不  
 與昔人通年九十迺卒著有梅龍詩集若干卷  
 今錄詩十八首



酬鍾伯敬

一麾反閒曠古人得友之有時而特立始覺不同時竟  
陵諸佳士孤出秋尋詩對之如古人千古色在茲明二  
長松月清光不可爲昨來一再晤遠意逾難窺忽二煩  
鍾子枉作見其奇一語了澄靜眾妙無所施郡齋有皋  
鶴性情相與宜持以答君子比之瓊樹枝

譚友夏自湖上見訪

湖上梅花寒湖中春山深挾得湖中氣剛日來相尋花  
寒有餘意山深有餘音冷然郡齋中如聽蘆中吟寥二  
瑩遠神幽二軫玉琴相視其何如贈子湖山心

送友夏九峯讀書

何地松無色九峯靜有聲此中讀書去獨我送君行暫  
別親兼友相攜弟與兄朝昏深客意花鳥闕山情問以  
南來候期之秋氣清行藏見吾道容易莫逃名

司空樓

寒蟾夜艷秋光白金魚鎖斷無消息入門風碎珊瑚聲  
幽修鬼語土花碧石城公子紅錦袍曳雪秦娘碧玉簫  
蘭膏小鬢雙蛺蝶越羅輕剪憐嬌曉唾月搖烟夜半舞  
蠟光如燾研丹戶閒階青沒古苔錢鈎欄複道尋郎主  
江陵鯉魚泣幽素陽春門下官家署華表仙人夢正長  
化作濕螢上樓去

孝昌萬烈女墓



淮河落日憐新月機絲乍斷飛香雪楊家鬼子愛幽昏  
 土蝕雙花心帶結遠山黃落啼春叢未是韓馮蛟蝶風  
 無指千年綦履碧情知不是班二紅著意尋郎蹋烟霧  
 鬼鄉疑是黃姑渡誰識珊二倩女魂夜深長嘯白楊樹  
 對面黃腸腐肉身酸風射冷雙麒麟金光有字鐫陰額  
 始笑從前二十春

贈周先輩鴻臚

自注周蜀人寓江夏年九十九矣

異書亦以讀未得異人論及爾斯難老於鄉乃達尊百  
 年畱視聽一語感心魂相對如童子因之見本根

題尹春寰中丞書屋

名山不須遠佳處卽藏書此最城中秀宜爲倦客居晴

江吹雪過石竹守雲餘但道峨眉子齋心同宴如

謁武侯墓

是公駐師處公卽此焉藏墓在山水永祠清松柏光原  
 頭夜帶古大星森寒芒天不絕文帝誰其愍武鄉白楊  
 聲烈二啼鳥聲二更憶成都路君臣共寢堂

方參軍

原注參軍名法家桐城建文時任四

沈江死方正學門人人

不署眞王字猶餘故主悲懷哉思楚老去矣向湘纍新  
 月歌還哭雙梅弟與師桐鄉今有後藻薦此何遲松柏  
 寒能出楊袁世可知爲言兩江水長照二方祠

寄王開字觀察



小方寸  
金臺同住十年餘。一向升沈音便疎。人自勝流輕北阮。  
客傳清譽滿南徐。海門搖月潮來近。錦水迎霜雁到初。  
難道皋疇情可已。擬將書札問何如。

午日莊居酬華左伯

石榴紅燒石蒲光。晴在梅龍柳浪長。避暑有人同酒渴。  
逐貧無計起錢荒。酒遭田父泥花飲。荔就官園貨客嘗。  
何似今來珍重意。茆簷全染紫薇香。

送馬上舍

春與繁川花向深。川途明月遠人吟。若爲谷鳥荒二路。  
獨抱帆風寂二心。百戰遺民耕未穩。一身何處老相尋。  
送君且欲煩君說。自入烟波直至今。

送學道來陽伯治兵大同

文章真不數陰何。斗柄西來造士多。直以雄才歸耳目。  
遂令別路渺星河。杯槃賸作巴渝舞。風草新傳勅勒歌。  
爲客平生千古識。故人幾輩頌中和。

曉行

風泉竹露微茫濕。林影花光漸次真。一幅徐熙好山水。  
坂田新著耦耕人。

送馮郡公備兵甘肅

贈得百番魚網紙。吟成七字荔枝詩。知公滿酌沙場酒。  
醉譜伊涼教雪兒。

感事



小十  
麟磨春織翠流紅。鼓瑟長安若夢中。廣武劉生今幾世。  
山花山鳥哭西風。  
區區虛左老侯嬴。公子車前卽死生。不似姚家大小尉。  
夜深抽鬢入青城。

漫興

置身才與不才閒。略似莊生物外閒。惟有鄉心消不盡。  
春來頻夢大峨山。

古德懋

德懋梁山人。萬歷舉人有鸚鵡不來天。自碧蛟  
龍飛去水猶渾。之句來瞿塘。甚稱之。著有集若  
千卷。未克見。今從友人處錄詩一首。

輓來徵君

小憇瞿塘老斯文。宛在茲學傳。今古絕才可帝王。師草  
長揚雄宅。花飛杜甫祠。高山同二子。垂范在清岑。

馬紹愉

紹愉字成愚。號太和。遂寧人。萬歷舉人。官至太  
僕寺卿。詩一首。

岳陽秋月

落木洞庭秋。君山水際浮。何人凌皓月。吹笛在高樓。浩  
渺天如畫。空明水不流。明朝弔湘水。一葉下吳頭。

劉肯俊

肯俊字勿所。富順人。萬歷進士官至兵部尙書。



初官廬江令捐俸築平望堤八十里障蘇湖太湖  
水患人呼劉公堤歿崇祠鄉賢著有集若干  
卷今錄詩一首

賦別

浮雲起天末白曰何荒二置酒臨高臺悲風逐我翔念  
我飄零客與子暫相將子去我且留慷慨激中腸去亦  
不成歸畱亦等故鄉遠近各一身世路正茫茫二請爲別  
鵠吟四座慘無光願言崇令德關山遙相望

王應熊

應熊字非熊巴縣人萬歷進士累官至禮部尙  
書太子太傅罷政家居崇禎十六年再起柄用

行次涿州閣臣有忌其復入者寄書給之辭應  
熊信之疏入上曰應熊已至國門而辭何也忌  
者對曰彼亦見事執難爲矣上默然及陛見科  
道交章劾應熊出再辭許之卽日載道浮江南  
還十七年燕師陷世子福王于金陵建號引光  
巨應熊爲武英殿大學士督師經畧川湖雲貴  
開府永寧移鎮綦江又移瀘州 清兵入討賊  
應熊退屯土城病卒著有涵園集二十卷今錄  
詩二十六首

江行

積雨不可出弔問始遵路約伴辭池塘鼓柁凌烟渡何



意深秋色盡作沿江趣陰二霽遠山冉二霜前樹晚漲  
平不流。複渚穿疑誤。蟬老時一聲鳥。聞偶孤度。白鷺皓  
方潔近。穢了不怖。人生解適意。神遇目亦遇。何用千秋  
名。能著幾兩屐。所願天機深。不爲人世慕。舉首瞻翠岑。  
芻窕曲回互。

思歸

鳳凰翔千仞。鷓鴣在一枝。士亦有量際。升沈隨參差。丈  
夫欲樹立。貴在英毅時。臣壯不如人。垂老焉有知。欲及  
未衰口。一踐山靈期。麋鹿在羈繫。飲齧皆非宜。主恩倘  
見釋。永愜豐林私。

將至良鄉過道岸禪僧新刹

解羈意甫歡。矚曠興彌廣。金地開莽墟。霜鐘發新響。梵  
構事纔半。禪枝鬱已長。輟驂一廻向。煩襟稍散朗。夕巘  
搖松翠。斜暉燠初景。翳然籬落閒。殊愜田園想。

樂磧

瀾二川尚盈釣。磐沒其影輕。烟縈高樓寒。暉抱荒井罔。  
生逐朝榮國。秀誰能領。緬懷縉雲君。隱憤據忠鯁。良謀  
適不用。南浦得吾冷。鍛副此澹居。江光相與永。著作翼  
典墳。鐫題照幽靚。數行壓波心。蛟龍不敢眚。丈夫有不  
爲貞固。發深省。

九日示耕道

索居鮮懽趣。竹下聊自娛。拘牽亦何有。迹曠意不怡。節



序日流邁。復此重九期。志業空蹉跎。筋緩而肉弛。今晨  
青鏡中。數二摘秋髭。有客寬鄙懷。勸滿霜前卮。疇昔苦  
羈宦。骨肉嗟遠離。歸來各無恙。斗酒亦足醜。如何跬步  
閒。坐受黃花嗤。策杖返中室。婦子詎我知。遙夕耿無寐。  
商飈揚素帷。

坐龍門石梁

潛遊畏人知。投城視林鳥。夕陽猶在樹。水嬉情未了。微  
風皺新縠。千頃開文沼。坐翫可酣中。何必鐘鼓考石梁。  
刺魚者。眼紅波光小。頻言漁事儉。春深字鱗少。機害誰  
肯息。馮生厭煩擾。感此愴心顏。聊問攜來醪。

春園攜眷游觀紀事

凌晨吹小雨。晚霽艷新陽。朝暮陰晴閒。天意已難量。平  
林嬉不足。情景升崇岡。騁望眾山狀。俯仰羅璇房。尊者  
如翁姥。卑者兒孫行。指點語羣穉。齊誦南山章。濁醪適  
在手。不覺傾數觴。

澍曰情興斐然兼有寄託

平原

平原河渚際。名賢昔所領。蘭陵有蕭公。東海一匡鼎。說  
詩儒苑宗。抗疏諫林炳。千載垂清芳。蘋藻龔相併。士衡  
擅著作。調骨貽笑柄。空餘望遠臺。畱懸壽公影。

飲安澄源家賦贈

環堵魯儒室。夷門魏俠居。君安所自冥。蕭條常宴如。華



顛賓舉案赤脚婢當爐前檐列井爨後戶羅圍蔬歲月  
銷楸玉游還選簪裾窮交余不薄聚樂况有餘首春可  
駘蕩一笑啟屠蘇

醉贈陳生交甫

出塞羽林闕虓虎長箭白羽彎強弩懸玉炊金馬似龍  
伐鼓聞笳面如土鷓冠芟服到轅門踞牀按劍相撐拒  
有筴安能筮女曹重閭未許干明主掉頭歸向巴江曲  
男兒苦被青衫束人生三十不稱意出行無馬食無肉  
封狼居胥者誰哉曷不鵬飛甘蝟縮牀頭一壺伴一燈  
陳湯家傳百回讀醉歌今夜黃金臺更招屠狗共鳴筑

食青菜羹

猪肉暴貴如龍脯慙愧無錢乞腥腐淨畦鮮碧勝瑤柱  
憶在都時劇思苦今番入手詎汝放不用一文便老圃  
經霜帶露稱情摘活火新湯依法煮鉏經稍倦曲肱餘  
調飢適甚香騰釜長筯大碗粗足豪侯鯖鼎饌亦奚取  
嗤哉此腹不負吾飽餐坐享福難數秋蓴浪得牽張翰  
蒿菘徒勞嗟杜甫還將玉版較東坡參破禪心印初祖

喜雨和韻

雨簿鈴封夏中起巫冠蠟虎俱愁死星冠方士空大言  
磔狗割羊期屢徙昨夜園林葉始聲羣豕涉波河不明  
未便滂沱灌阡陌且看霖霖向嚴城二居冷地無一片  
老夫貪涼先酒面傳聞赤地界江河對此不寐翻成倦



安得世上藥師多野哭盡化爲笑謔君本同憂固同喜  
人閒大樹何如矣

九柏歌

南部廡前柏維九其中五株世希有巍然氣可敵五岳  
蒼皮黛色神所守山川靈秀此中偏百里星光入夜占  
也知精異必亭毒不在其人在喬木靜厚不覺炎涼更  
高寒但有烟雲宿頃者匠石亟徵材柯幹未成遭斧裁  
似此龐碩又難用巖壑之姿非梁棟譬如五老復九老  
維社香山自縹緲我來繫馬蒼苔根長風如雷劃天門  
咬哇撼簸無遺籟古幹坐對寧心魂大枝微拂掃氛霧  
小枝和奏如箎塤空山日灸復風吹歲寒冰雪遇尤奇  
工師雨泣梁棟折大廈焉能一木持

澍曰亦自負亦自憐感慨無限

寄曾臨湘

自憐一嬾似稽康雁字胡然到草堂書法整知官況暇  
山情濃見故交長白雲初臥魂俱醉半畝纔耕歲又荒  
惟有思君一片月遠隨秋水下三湘

答問

春不能畱客亦歸勉將語寄舊漁磯繭絲報政今皆是  
劍犢成羣著處非黃屋憂民真不淺阜囊請命亦何稀  
汝曹聊復須臾忍萬一幽巖被未暉

聽雨



客宵如水未成眠。淮泗寒聲集枕邊。雙柏搖烟龍樹隱。  
千山送響海潮連。夢回紫閣窗前。潘憶入洪岩。洞口簾  
漸向三峯記。前句佩環洒落四公泉。

初度

青山匝翠似環滁。新構茅茨蔭老樗。婪尾春光飛乳燕。  
縮頭生計效鱗魚。陶潛止酒復何羨。高適爲詩愧不如。  
惆悵精銷無所就。終焉匿短在逃虛。

高枝樓見過志喜

竹徑涼雲雀不猜。畫船俄似剡溪來。紆迴故向蒼葭晚。  
索笑剛逢黃菊開。話到十年前後夢。坐連五夜淺深杯。  
山窗剪燭偏宵雨。若爲畱歡濕綠苔。

寄馮人天黔按

矢清蠻部在登車。半壁功高大樹餘。馬粟寒生驄使廐。  
犢刀秋靜竹王虛。紆籌特定先庚策。退食惟披大酉書。  
却寄草堂情不淺。拒霜花發雁來初。

里友蹇子晉枉贈一詩依韻答謝

江干淪落老詞臣。傀儡登場歲又新。炎月芒鞋空憎我。  
甘霖舟楫也猶人。頗諳政事堂中味。不及吟哦研北身。  
當日昌黎先失策。屢從光範乞昏晨。

張赤涵前輩少宰招飲舟中

天邊張嶺吐光輝。百里遙占在釣磯。學道自依茅氏法。  
讀書仍著老萊衣。汎溪乘月興不淺。行酒烹鱸味正肥。



小  
便擬卜隣棲福地俗情猶戀故山薇

江行

江上人家柳宿鴉雨餘天氣樹蒸霞漁郎認是桃源近  
欸乃一聲風笠斜  
紅蓼圍烟共繫舟白魚入饌坐船頭大堤倡女鉤簾笑  
似爲長年估客愁

書太暉觀道士卷

青牛道士去不反黃鶴仙人跡又陳獨坐花宮消浩劫  
等閒滄海已成塵  
大紳大岳兩才子事業文章各炳然付與蒼涼孤觀下  
晚來雙鶴叫寒烟

湘獻王園書不開秋風桂子落牆隈白頭老卒藏遺像  
龍種當年事可哀

蜀明詩卷第九



蜀詩卷第十

明

新繁費經虞仲若輯

岷陽孫澍子皋校訂

董為

為字仲鄰合江人萬歷丙午舉人官至陝西副使詩四首

宿寺

暮雨空山寺陰廊古壁燈數年淹俗吏一夜對高僧蓮水波千尺松關路十層未成鄉國夢海日已東昇

均州道中

百折窮巖嶮空山破旅魂層崖高有路密洞遠無村鳥

六、七、八、九、十、十一、十二、十三

孫民



小十六  
沒江天濶雲垂海樹昏三巴萬里隔腸斷鵲鴿原

信陽

形勝信陽古建侯本朝雄鎮甲中州地連郢鄂開周道  
水跨徐揚據上游密樹輕烟寒抱郭平陂疏雨晚盈疇  
東南郡國多烽火樂土春郊幾縱眸

凌水驛夢先兄侍御

萬里趨黔悵別離那知死別更堪悲都亭草疏埋輪日  
驛館談心對榻昔詩興空畱春草句秋風愁結鵲鴿思  
夢中遺恨非婚嫁猶道回天未有期

韓位甫

位甫號丹水瀘州人萬歷舉人官至戶部主事

詩二首

秋懷

江雁高翔未授衣樓頭秋色淡霏微  
菖蒲沙苑驂驪瘦 稊稻山田野雉肥  
露下芙蓉波欲冷月明楊柳權初歸  
一尊且共山僧醉莫把榮枯付釣磯

冬日枕上

丹爐伏火自封泥檢點桐君藥物齊  
屋破豈應慙稚子 舌存猶得示山妻  
名成上土原無垢道在歧途肯見迷  
一醉自堪愈消渴金莖何必比刀圭

李濂

濂合州人字未詳官至景陵縣知縣詩二首



襄水權歌

襄流艷。二石柑花。絳水青梢。照客槎。兩岸銅隄。歌士女。遠遊三月。不思家。東家姊妹笑。儂孤昨夜。郎船楚。又吳。欲化妾身。同舵尾。隨郎風月。宿江湖。

莊祖諛

祖諛字宜墀。成都人。官爵未詳。謝按朱竹垞詩話曰。全蜀人復社者八人。宜墀詩名特著。惜流傳無幾。今搜輯詩四首。

岑公洞

詰曲巖前路。欹斜洞口碑。瀑飛千尺雪。雲養萬年芝。虎

谷樵相答。危龕月倒垂。到來幽絕地。乍可脫塵羈。

九日雨花臺懷古

雨花臺畔。蹋秋行。懷古登高。雜感生。六代尚餘。衰草色。三山猶枕。大江聲。祖龍黯黯。藏金氣。泥馬虛無。化石城。搖落不堪。頻悵望。夕陽殘笛。總關情。

除夕

昨夜迎春。試彩鞭。斗杓今夜。指新躔。烽烟海徼。當殘歲。萍梗江城。又一年。梅信差池。寒尚勁。雁程迢遞。暖難前。泥塗甲子。衰容賤。孤負南山。種豆田。

初春吳門送友還蜀

解手東風。思惘然。君還巴蜀。我之燕。聲蜚白下。新雷草。



酒載丹陽舊滿船。四百八灘三月上。九千餘路一尊前。  
文心各藉江山助。贏得奚囊萬口傳。

李春先

春先字右梅宜賓人萬歷舉人官至同知詩一  
首

爾雅臺訪少藩

悵別荆門久。登臨感舊遊。高臺畱勝蹟。一榻寄清秋。松  
竹如人靜。琴尊伴客幽。杖藜隨意往來問。水邊鷗。

董翼

翼字伯隣號閩風合江人萬歷進士官至御史  
詩三首

長沙李忠節祠

百戰孤城破。乾坤白晝陰。闔門爭大節。報國誓同心。岳  
峙忠魂壯。湘流悲憤深。鬼雄生氣在。祠宇鬱蕭森。

出峽

輕帆出峽口。帶得蜀山雲。斜日依蓬坐。猿聲攪客聞。

閨怨

砧杵聲殘倦掩扉。秋燈有夢入金微。分明得見征人面。  
九月陰山正鐵衣。

朱采

采字培元劍州人萬歷進士官至神木道副使  
詩一首



蜀府賞楊妃木芍藥應教

妃子胭脂跡未乾。沈香亭北露華寒。他生真有香魂在，多恐三郎不忍看。

李養德

養德字涵初，銅梁人。萬歷進士官至工部尚書。著有秋英堂詩若干卷，今錄詩十七首。

邀張玉輪進士登蕭亭

荆卿事不成，漸離去亦久。寒風諱北號，易水撼東走。今日我與君，彈冠對春酒。芳香起幽蘭，鶯歌轉楊柳。可憐佳勝地，古人不能有。

送雷元方之官吳江

急風吹雲二不度，三年眼澀長安霧。羨君雙鳥東南飛，又值湖山佳勝處。舟過丹陽共翟幘，輕波如送柳如迎。松陵之月相待滿，與君同照復同清。吾聞京口百里外，先人甘棠色霽霽。二十餘年踵後先，清風謾二生吳會。吳會知交感舊遊，欲往從之火雲稠。爲待蓼花秋水淨，虎邱烟月一登樓。

贈荆門主人艾叟

困有胡麻塢，有雞夜雨剪韭春。萋萋二封泥隔歲菊花酒，古瓦盆子嫗提攜。老不趨陪不受贄，但聞戒家止兒啼。水竹居前色離二，客雖知名官不知。羌村恍在太古國，分張謝主難爲辭。



五畝園

桃花流水外數里。入雲峯。白晝啼陰鳥。寒沙偃瘠龍澗。猶懸去路樵。已失來蹤。雪鹿。猿。秦人。冀可逢。

旅舍余生園亭

久望蒼幽處。今來託小閒。因之敦夙好。亦以慰前艱。闢牖邀新月。開門揖遠山。寒涼深夜發。清夢白雲閒。

績溪得淩子厚書

歸家如去國。不識舊山川。幸共齊眉侶。仍忝負笈賢。溪藤藏破屋。野火出荒田。觸緒多悲感。伊予何處邊。

喜聖庵小憩

霽色雲峯外。牆邊水自回。埜橋沿竹去。孤磬出花來。乳

鳥集經帙。茶烟近佛臺。欲知趺坐久。看取室前苔。

盱眙縣

過江無尺嶮。百里見蒼山。廣莫趨龍窟。真人去虎關。危巒藏市郭。春水列城闌。欲問當年事。淮流渺二閒。

過朝歌

邑號朝歌處。曾回墨子車。我來城市改斜日。映村墟。野草陰風動。平原秋色虛。客情不得語。脈二度寒瀦。

晚菊

一室對霜姿。沈寥晚更宜。便同陶令宅。不是屈原時。秋氣寒相護。高風老自持。遙憐湍下水。甘美爲誰期。

送唐欽予下第往楚中



與子交非晚。三年共雪霜。卞和不自哭。桑戶爲誰狂。竚待風雲就。甯知道里長。應須齊得喪。莫便弔沅湘。

會稽舟中

烟蓄水無際。遙村帶浦沙。掛帆行榻下。呼艇過隣家。林薄嵐光潤。巒迴月影遮。夜深榜不息。一望海城霞。

老母病舍弟以奉使還予方畱滯詩送舍弟  
問寢長安道。明朝少一人。絕裾難却愛。齧指倍驚神。醫事無輕進。談心孰比隣。此行愁萬里。珍重爾孤身。

輓譚王谷

不解升沈理。看君何太勞。識奇猶執戟。善技未藏刀。恨爲青錢重。才應白雪高。生平知遇客。誰與續離騷。

黃鶴樓晚眺

洪濤滾。白雲閒。荒堞危樓夕照閒。燕子存亡迷斷礎。鶴亭零落倚寒山。英雄氣概空千載。太守風流自一班。極目川原今古憾。那堪東望穆陵關。

西安戲作俳體

犀弓弩矢雜耕桑。玉篋橫吹塞上霜。公子調鷹能選伎。佳人盤髻解穿楊。探丸軹道遮星使。釀酒梨園賽馬王。貧士那知軍府貴。衙門盡作絳龍裝。

寄懷

古署驚秋雨。又風餐。眠十日與君同。華陽逸事傳應遍。大歷高篇諷不窮。別後洪濤三水外。歸來黃葉一林中。



小十、  
天涯浪跡無由見極目邗江度晚鴻

朱常佐

常佐字幼良蜀端王四世孫詩一首

古怨

妾思亂如絲纏綿無斷絕誰將摻二手解得心中結

尹伸

伸字子求號星麓宜賓人萬歷進士屢官副使  
提學兵備皆曰公廉彊直不阿權貴黜逮崇禎  
朝再起河南左布政蒞任甫三月又曰失禦流  
賊落職里居會張獻忠破敘府執至成都欲官  
之伸嚼齒大罵不屈死著有集若干卷今錄詩

八首

春日蘇州署中漫興

二日疾深居案積塵一斛顛風吹同雲積雪蔽春旭牆  
峙半枯桐庭餘未死木未知桃與李何處競紅綠骨肉  
曰曰遐魑魅曰爲役平生忠孝懷耿二何肯沒

山居詩

卜宅依北阜南見龍陀峯青天萬壑雨長鳴東溪松杖  
策涉其麓氣與香城通青苔沒屐痕扶攜多老農談笑  
久忘返前溪聞夕鐘

田家二首

荒俗乏詩書日憂寒與飢曠論薄田舍英雄亦我欺焚



車却走馬堯舜在一犁附郭多膏腴豪執所必窺百里  
就境塿豈徒邱壑奇鬼瞰庚弗屑其途當坦夷惰農戒  
白安薄取給冬炊人生難滿意尙恐過其涯

山居廢繚垣因樹還爲屋門外數折渠雨過春泉綠水  
邊忌蕪穢花石當豫蓄蘭蕙亦易求植根傍修竹匪獨  
愛其生潔性不可黷共我老青山行歌紫芝曲

澗曰子求五古詩皆從懷抱中流出學問性情兼而  
有之篇幅雖狹過人遠矣

送黃霞潭推官乞病還浙

共欲謀歸去君能先我行壯憐官秩薄老覺世緣輕憶  
膾飛青翰觀霞到赤城十年浮宦海回首見人情

藍田道中

正有還山想茲行直入山晚陰峯古淡春暮野斑斕竟  
日聞流水斜陽入市闌青苗堪卜歲旅客也開顏

出黔城途次漫興二首

舊著歸田賦今成不職歸貪趨王儉府愧息漢陰機用  
舍從肯論馳驅與願違生還差可喜風日駛驂駢  
出郭三十里雲峯便不同村樓紅葉雨山磬碧溪風耕  
鑿甘長賤琴書守固窮青山懸望眼沽酒問郵筒

山居秋夜

草蟲唧二夜初長一榻琴書伴燭光二豎苦爭閒日月  
百年誰共卜行藏松濤挾雨瓦聲合瓶水儲花幽夢香



小文

老大關心衣重拂。幾人傀儡在名場。

敘南曲

七星歷二面。烟鬟千佛巖。頭翠岫斑。水合雙江波浪濶。浮來塢影是東山。

鎖江北。渡入涪溪。亂石叢篁路欲迷。大史遺文殘碣盡。武侯祠廟夕陽西。

楊鏘

鏘字德甫。號初南。成都人。萬歷舉人。博學。倜儻。為時名流。喬中丞榜其門。曰：天下士。范中丞文光贈詩云：枇杷花下人。歌曲半是初南醉。後詞後死。闖禍。著有生綠堂詩集若干卷。今存詩一

首

題懷州大明寺壁

古寺深秋風雨殘。烏啼人靜暮窗寒。白雲愛客不飛去。盡日青山傍石闌。

李鳴皋

鳴皋字青城。合州人。萬歷舉人。詩一首。

聽琴

遠岫堆雲晚翠重。松風謾二月華濃。一聲人破驚流水。大絃高張如洪鐘。四壁蛩聲罷清讌。天風海濤調中換。子期老去中郎死。卻對焦桐淚如霰。

胡承學

大正三十八

蜀詩卷十

十

古棠書屋



小十六  
承學成都人萬歷舉人詩一首

題石壁

洞口桃花歲不殊空山流水日榛蕪漁郎莫怪無人至  
舊日秦人一个無

張任學

任學字弗若安岳人天啟進士崇禎朝以御史  
憤流賊之害自請易武階官至河南都督僉事  
詩一首

感事

黃鳥嗷二實可哀中田中澤遍蒿萊督師緩帶從容甚  
手繹華嚴度世來

澍曰刺在言外

聶世澄

世澄字易軒劍州人官至雲南定遠縣知縣詩  
二首

題朱士鶴村居二首

一曲清溪幾曲田數椽茅屋萬山前千株喬木千竿竹  
半讀儒書半學禪

柴門昔掩亦嘗開野叟朝來暮又來茶自生香酒自熟  
月明吹笛一登臺

澍曰雖寫自然之趣卻是過於熟滑便近鄙俚

周麟



麟字瀛仙富順人天啟鄉舉第一官至湖廣會同縣令博學擅才名值流寇亂陳策畧俱中機宜當軸者不能用發憤卒著有集若干卷今錄詩一首

楚中春晚

杯酒人前破寂寥。思鄉心共楚雲遙。林花著雨香猶在。堤柳無風絮自飄。水國獨慙臨郡邑。烟村祇合老漁樵。巴山夢土連烽火。漫策治安作解嘲。

張亮

亮字揆伯內江人天啟舉人官至僉都御史巡撫安慶。國朝英王南征遣馬進寶召亮。二不

降後執以北行至高郵繫先帝所賜玉帶北向再拜投水死詩一首

絕命詞示子

生平報國矢忠貞。豈為顛危易此心。世上許多難了事。兩行血淚比河深。

楊伸

伸字引能號夔庵邛州人天啟進士官至郎中詩二首

峨山

芙蓉氣旁礴。天蓋連空青。輕烟揚匹練。落日橫翠屏。杖策蒼崖閒。引手摘寒星。振吭一長嘯。天風吹冷。



中江歌送人

中江之江二水清富有石子如瑤瓊憑君長袖二磊磈  
寄與仙人白石生

鄧璜

璜字佐之巴縣人天啟舉人著有萬竹園集若  
干卷今存詩三首

山居

山居無俗事雲耨復霞耕采得冬青子來招虛白生呼  
兒尋筆硯與婦記陰晴覓得桃源路全家隱姓名

同安夢賚舍弟懷玉遊芭蕉庵

橋窄才如臂尋僧共客過喬松依路密苦竹閉門多自

得幽閒趣其如擾攘何夕陽溪口亂人影出烟蘿

祇氛

祇氛一夕起欃槍才大何人十面當絕憶傭書班定遠  
空聞樵亂郭汾陽高城春水荒烟白古道秋風落日黃  
自古山川稱信美邇來豺虎遍雍梁

陳盟

盟字無盟號雪齋富順人萬歷舉人國變後爲  
僧名德藏著有雪齋詩集若干卷今錄詩八首

大造行

大造具鑪鞬冶鑄資羣生融液循氣化天地富才情  
嚙千古士振袂長盱衡東海有男子甯甘蹈滄瀛夸父



不量力。死欲追。炎精人。生論成敗。天地無豪英。星漢久  
喪色。山川徒縱橫。美人思已渺。卷阿復誰鳴。瞻彼赤烏  
景。日夕無停征。

送費此度之嶺南

搖落關山路。淒其下峽船。故鄉兵火日。舊國革除年。貫  
酒楸花外。題詩芳草邊。浮雲增感慨。相對各潸然。

枯魚

老作枯魚泣。浮生託寶刀。風波隨處惡。涓滴乞人勞。旅  
跡懷龍友。當關盛馬曹。傳聞東海若。旦夕振洪濤。

澍曰可感

江上感懷

故國烟雲望外收。難憑歸夢溯江流。鶯花吳楚吹簫市。  
烽火雍梁倚笛樓。萬里驚濤天外轉。一天明月醉中愁。  
飛鴻西上鄉關遠。欲遣離懷不自由。

喜至懷德鎮

神霄關下放仙班。刷羽驚回白塔灣。酒愧樂巴澆劫火。  
錢無于頓買巢山。恆河已爲東風皺。短竹先拚北道還。  
惟有虎頭依舊好。笑人寂二度耶關。

晚秋出湧金門訪友

風日湖光景色舒。憑欄彌望水天虛。沿城草路經霜滑。  
隔岸楓林度葉疎。落日斷虹三楚外。晚霞歸鶴六朝餘。  
感昔有客歌禾黍。同把滄桑話野廬。

大ニクメナニ

同詩家下

古

古棠書屋



西卓庵

幾年嶺海嘆飄零，覓得精藍此暫停。湖上鳥鷺來個二，  
城頭鐘鼓響洽二。荷衣破損秋如此，蓬鬢棲遲老重經。  
昨夜夢回鄉國遠，瞿塘峽口亂山青。

與親友話舊

江流日夜度淮安，亂後同人老釣竿。天上星辰餘幾點，  
枝頭碩果未全殘。班二蘭笋羅珊戶，隱二雲烟護石欄。  
所願故鄉歸有路，披襟重話再生歡。

劉道貞

道貞字長倩，號墨仙，邛州人。天啟舉人。圖按丹稜彭磬泉蜀碧稱道貞敦行古直，其學六經百

氏無所不窺，尤刻意孫吳兵法。崇禎甲申，獻賊據成都，遣騎四掠。道貞與其子揆度，聯沿邊土司策殺偽參將張某，復激勵土漢李衛曹勛等共抗賊。獻逆大沮，邛雅賴以稍安。岷督師王應熊開府永寧，以道貞功畧上。福王遙授兵部職方司，俾參畫軍前後。雅州復陷，道貞聞之，嘔血卒。配王氏率家屬百口避兵西山，賊搜執之，環刀械頸置城上，令招其子。夫人罵賊不從，賊怒斷其舌，磔之城外。揆度亦力戰以死。忠臣孝子，義夫烈婦萃于一門焉。噫，思陵當日廟堂宵旰，日憂無人才如斯人而遺之，草野則科舉資格



小十  
之限貽之戚也。有國家者，慎于進賢，如不得已，盡思廣其術歟。所著有墨仙詩集若干卷。亂後失傳，今僅存詩一首。

飲新繁李謙之宅

白雲終日傍柴門，一榻青山坐草根。向晚牛羊爭返柵，數家雞犬自成村。早完公稅餘秬稻，力守殘書待子孫。取次一樽松竹下，溪山新月破黃昏。

范文英

文英字仲闇，內江人。天啟舉人，引光朝官。至太僕寺少卿，著有石鼓山房詩集若干卷，今存詩二首。

峨眉山萬年寺送費此度往榮經省親

敝衣猶賸老萊斑，負米雖歸不是還。世到亂時都作客，途當險處更閒關。幾年草檄伸孤憤，累月移家近百蠻。瓦屋峨眉俱歷遍，滿頭風雪當遊山。

題華岳圖

上山看山形，下山看山影。色相誰能傳，妙應山靈省。

楊師旦

師旦閬中人，天啟進士官。至南京都御史崇禎末，謀據張獻忠為賊所害。詩一首。弔來徵君。

掘衣早歲許登堂，重向招提納晚涼。猶有人稱通德里，



遺經石室自斜陽

盧元卿

元卿字調元富順人天啟舉人官至陝西寧夏道

闖賊陷秦題壁殉節詩一首

生平志氣凌霄漢自許惟憑忠孝心家國陸沈身板蕩空拋血淚寄兒孫

王璉

璉字佩公廣安州人王德元子崇禎朝以廕累官至監司詩二首

送洞聞上人歸吳門

秦川相遇罷歸去遠隨緣野飯晨雷鉢寒鐘夜到船虎馴應畏法龍化欲參禪他日重相見楓橋古寺前

蕪湖宴集

園樹鶯來熟山池鷺過腥  
楚雲依側徑落日孤亭鳥  
定猶驚月螢高欲亂星  
邨春欣歲稔柴戶不須扃

澍曰李雨村曰五六晚唐人佳句

吳允謙

允謙字用吉內江人崇禎進士官至臨洮副使詩二首

秋日登上谷城北樓

敵樓飄緲執如飛  
睥睨空中隱翠微  
陽鳥北從榆塞入



小十六  
飢人南向稻田歸，雲開赤緊皇都近。烽入青山突騎稀，老子高樓憑眺晚。數聲畫角滿斜暉。

謝曰：詩意當是諷當昔守禦之無人。

秋杪龍門遇雪

龍門秋色凜寒威，嵐氣河聲帶夕暉。颯颯西風猶落帽，紛紛朔雪已霑衣。還疑瀚海吹來早，不信巴歌和亦稀。我欲幽詩圖九月，好將故事啟綸扉。

穆貞澈

貞澈字元錫，雅州人。崇禎舉人。詩一首。

都門飲同鄉諸公

零落奇才席上珍，諸君桑梓共京塵。近傳鄉國九多事。

遙倚中朝有故人，三十餘年成壯日。五千里路念衰親，一尊到手曹騰醉。休話雲安麩米春。

孫宗茂

宗茂字未詳，其先宛平人。引光朝臣考某甫宦。

蜀因家成都詩一首

晚渡平羌投宿古寺

峽江烽火入巴川，天外峨眉翠色連。落日心愁豺虎窟，孤蹤魂斷革除年。人家盡改新村落，山縣猶聞舊管絃。飄泊一身長不死，空山來伴老僧禪。

劉范

范字汝馨，富順人。崇禎諸生。高才博學，著有愛。



蓮烏私等集若干卷俱未克見今從富順志補

錄詩一首

難後還江陽

百雉荒垣頰碧流金仙遠眺水雲浮長松漸蔽同文塔  
惡竹叢生奪錦洲瑩寢週開狐兔穴招提書見虎狼游  
河干握手誼遺老故國烽烟閱幾秋

蜀明詩卷第十

一覽既下皆無酒村語雲安酸米律

歐陽中原文人三十餘年如一日正千里如念幾幾



